

武寧縣志卷之十四

武寧縣知縣滇南李 珣纂

武事

巖疆小邑僻處郡西穹林疊巘川谷逶迤吳楚疆鎖興
瑞籓籬烽火一熾草竊攸歸佳兵不祥無備亦危先事
候情往蹟可稽我

朝長治文德誕施黃童白叟不識征鼙邑於海內鷓鴣一枝
綢繆陰雨尙克庇之志武事

漢延禧五年壬寅秋八月艾城賊焚長沙郡寇益陽殺令

桓帝紀

按東觀漢記曰時賊乘刺史車屯據臨湘居太守舍
賊萬人以上屯益陽殺長吏艾縣名屬豫章郡故城

武寧縣志

卷十四

武事

一 四百三十一

在今洪州建昌縣省志云綱目書於五年之夏帝紀
在八月艾縣今之寧州武寧地春秋傳吳公子出居
於艾卽此 通志

七年甲辰夏五月 帝紀七月 在荆州刺史度尙擊艾縣賊平之

按後漢書度尙傳延熹五年長沙零陵賊合七八千
人自稱將軍遣御史中丞盛修募兵討之不能克豫
章艾縣六百餘人應募而不得賞直怨恚遂反焚燒
長沙郡縣寇益陽殺令眾漸盛又遣謁者馬睦督荆
州刺史劉度擊之軍敗睦度奔走尙書朱穆舉尙擢
爲荆州刺史尙躬率部曲與同勞逸廣募諸蠻明設
購賞進擊大破之降者數萬人尙出兵三年羣寇悉
定七年封右鄉侯 通志

建安四年己卯廬江太守劉勲襲海昏上繚

江表傳云劉勲糧食少遣從弟偕告糴於豫章太守華歆歆遣使將偕就海昏上繚出穀三萬斛與偕偕乃報勲使來襲取勲得書潛軍到海昏宗帥空壁藏匿了無所得初太史慈從豫章還見孫策曰華子魚良德也然非籌畧才丹陽僮芝自擅廬陵詐言被詔書爲太守鄱陽帥別立宗部阻兵守界海昏有上繚壁五六千家相聚結作宗伍惟輸租布於郡耳欲發召一人遂不可得子魚亦熟視之而已策撫掌大笑遂有兼併之志

按海昏上繚今之武寧建昌地

八年癸未孫權過豫章以太史慈領海昏

太史慈傳云劉表從子磐數寇艾西安諸縣至是分海

武寧縣志

卷十四

武事

二

百九十四
四百五十七

昏建昌左右六縣以慈爲建昌都尉治海昏并督諸將拒磐磐絕跡不復爲寇

晉建興三年乙亥臨川內史謝摛與賊杜弢將杜宏張彥興戰於海昏敗績死之

宋紹興元年辛亥江淮招討副使岳飛追斬李成將趙萬等於朱家山餘黨由奉新奔江州岳飛追斬之過武寧

見宋史本傳
并金陀編

賊分遣所部寇武寧城幾陷飛復領兵由閒道壓境三十里水暴漲寇賊以神兵至遁去

馮志

按朱家山在縣治南八十里與奉靖毗連地勢險阻李成兵敗走由閒道過其地武穆王追殺之又舊志稱岳兵由閒道至武寧此必追殺趙萬之後餘黨由

奉新奔江州者以武穆南返遂乘閒寇城及岳兵至
又遁去矣

元至正十二年壬辰永興賊張普獻寇武寧達魯花赤帖
木兒主簿楚彥死之

賊攻城達魯花赤召主簿至謂曰寇偪矣與若受國恩
委身報効不敢不勉募義士及驍勇民兵擊賊戰於東
門不克皆死之

是年秋蘄黃賊鄒普勝自稱元帥遣其黨自興國出武
寧犯奉新豐城入南昌攻城

十九年己亥胡紹遠率鄉兵與僞漢陳友諒戰於建昌麻
潭洲敗績兄弟皆沒於陣御史大夫帖里帖木兒以聞
贈紹遠中書右丞相

武寧縣志

卷十四

武事

三

百九十一
四百一十八

按至元閒因達魯花赤遇害武寧寇賊蠡起民多流
亡江陰鄉胡紹遠素有胆畧兄弟倡義結寨武安山
豪傑響應五六年閒村落安堵

二十年庚子江西行省命脫落合察兒討武寧叛賊董琦
平之授虎符江州萬戶達魯花赤元史本紀

二十二年壬寅寧州土豪陳龍以分寧奉新通城靖安德
安武寧六縣降豫章書

二十四年甲辰明太祖遺常遇春鄧愈討熊天瑞獲李明
道於武寧山中殺之

明正德五年庚午高安賊陳福一羅長一奉新胡雪三嘯
聚華林山寇武寧知縣毛丕功禦之賊奔據盛母王夫
人廟碑增

萬歷二年甲戌賊李大鑾聚黨於邑西南之大湖塘石門

時出剽掠遠近受害守備鄧子龍率兵營於黃竹哨平之

崇禎十六年癸未靖安賊李宿七聚黨數千人於乾州攻掠旁縣武寧營哨官雷勝張子璉領兵討之不克沒於陣

國朝順治元年甲申羅朝貴作亂二年就撫尋斬之

初羅朝貴自幼焚傷左手臂指如薑鄉人呼曰羅薑子及長素狡悍乘亂立寨太平山四出劫掠年豐順義受禍尤酷次年就撫授都司隨征寧州奉鄉山寨貴挺身奮勇連破三寨尋疑其反覆斬於州之黃土嶺

五月闖賊餘黨步騎數萬由湖廣興國抵縣沿塗殺掠初六日城陷焚學宮民舍屠戮村落駐營五日復取道太

武寧縣志

卷十四

武事

四

百九十三
四百四十三

平山西去城市爲墟死者枕籍獨河以南水暴漲賊不能渡獲免六月賊後隊出牛頭峽由巾口渡河入瓜源七月移駐上南鄉所過焚掠慘毒十一月昇仁鄉土賊劉照華糾聚興瑞柯賊入南鄉寇靖安礮坑鄉勇邀擊賊潰賊首就撫斬之

三年丙戌柯賊柏先烏合昇仁鄉羣寇攻縣焚官民廬舍大肆劫掠知縣孔貞恒請兵迎勦盡殲之禽柏先磔於市

四年丁亥守備鄧雲龍叛知縣任天祚棄官歸

雲龍金谿人素無行流落武寧邑人皆奴隸視之及得官授武寧守備志圖報復統兵千人至縣佔民房屋派供應會江西提督金聲桓叛雲龍授僞劄爲都督勢益

驕僞置官屬副將以下縛知縣任天祚索餉任曰我朝廷命官不可辱也生員盛彌科張安世羅懋備杜棟陳六奇汪起龍諸人_{凡八人二}集明倫堂號於眾曰縣尹一邑之父母也今至於此尙忍與此賊俱生乎欲與雲龍決死迺得釋任遂棄官歸

五年戊子雲龍寇建昌官軍大破之

初雲龍既受僞劄遂勒令妻妾九人自投繯死號於眾曰吾殺妻報國率所部萬人東下沿塗大掠至建昌陳橋遇大兵不戰而奔我兵追之大破賊於猴子山殲賊殆盡尸委積河水不流雲龍僅以身免

六年己丑春雲龍踞寧州秋大將軍譚泰降其眾以雲龍歸

武寧縣志

卷十四

武事

五

百九十四
四百四十一

雲龍既敗盡殺所掠婦女退保寧州金聲桓誅雲龍懼得烈朝五王子執之詣大將軍譚泰營納款武寧寧州之害始除

按雲龍之害不減於闖獻二賊武寧剝膚之慘至此極矣吞舟之魚卒以漏網蓋盜跖壽終有天幸云

康熙十三年甲寅十一月十五日白頭兵屯瓜源口知縣鮑泓守備馬文燦擊敗之

初江西總兵官楊富謀反事覺被誅餘黨竄靖安以白布裹頭號白頭兵侵武界把總陳助國同鄉勇分防朱家山隘口賊又聞道入瓜源知縣鮑泓留典史張惟慶守城親率鄉勇七百人隨守備馬文燦兵擊敗之生禽三人獲裹頭網巾白布無算

十四年乙卯夏五月十六賊圍武寧知縣鮑泓守備馬文燦禦之賊潰追殺之無算生禽其黨二十三人

賊既據銅鼓營陷寧州乘勝東下直逼武寧分軍南市時勁卒散處各汛老弱不上百人泓乃爲疑兵捲箕爲筒黑其外衷以石使重如砲然復張旗幟雜民伍中潛出拱宸門由孟家灣入宣和門環迴出沒絡繹不絕相持五晝夜會都統朱某援兵至賊退文璨分鐵騎邀賊歸路身率營弁直擣賊營追至茶培港大敗之港水爲赤生禽二十三人餘黨退走寧州

冬十一月二十二日賊復圍武寧知縣鮑泓守備馬文燦大敗之賊遯去

是役也備賊劉往七攻建昌安義與寧州賊互爲聲援

勢復猖獗遂由朱家山直趨武寧南市適河水暴漲不得渡遂隔河而陣勢甚張文燦督兵守禦晌午水漸殺飛騎從東關淺水渡河繞出賊背親率部卒鄉勇數百人由西關渡持火器衝入賊營以騎兵從後夾擊大破之賊潰斬首數百級盡得其器械以歸賊遁去

十五年招撫流亡

十六年大兵駐武寧招撫羣寇境內悉平

按舊志叙寇變甚多疎畧諸薦紳採後漢書三國志荀悅漢紀朱子綱目悉爲增入其用力勤矣志以紀實主客宜分因爲損益以補闕漏亦文省事詳之微旨也白頭兵變南郡七州縣戎馬蹂躪村落半爲墟墟諸里老猶有能傳其事者區區武邑以守則固以

戰則強一時鄉勇諸人悉能殲賊或倚山設伏或禽獲賊魁定變畧所載不勝書也講武卽戎習於平日其風自上其流及下赫然保障一方蓋前令鮑公守府馬公之遺烈云

梁志

袁暉獻帝春秋云初豫章太守周術病卒劉表上諸葛元爲豫章太守治南昌漢朝聞周術死遣朱皓代元皓從揚州刺史劉繇求兵擊元元退屯西城皓入南昌建安二年正月西城民殺元送首詣繇

按寰宇記云武寧縣西二十里有西安故城漢獻帝建安中置疑卽此城也以其在豫章郡西故曰西城又吳志潘璋傳云劉表在荊州西安民數被寇元之退屯西城欲倚表爲援民益恐致寇故攻而殺之也

武寧縣志

卷十四

武事

七

四百六十九

以時事考之正無不合

補遺

吳書程普傳普從征江夏還豫章代太史慈備海昏

景定元年春二月元軍過分寧武寧二縣河湖砦都監權

巡檢張興宗死之

宋理宗紀

補遺

順治四年春正月壬子湖廣總兵官柯永盛奏報興國州等處寨寇悉平下兵部議叙

初陳友諒遺孽分爲柯陳二姓盤踞江西武寧湖廣興國而居興國者尤蕃衍黠悍迄明之世爲患將三百年有柯抱冲者與何騰蛟結連自立爲王以其黨陳珩玉爲帥倚山結寨焚劫郡縣攻陷興國州殺武昌同知張夢白勢甚猖獗鎮臣柯永盛同按臣吳贊元遣將征勦十日內凡八戰皆敗之俘斬無算焚其巢穴生擒抱冲

珩玉斬之餘黨悉平前後獲婦女四百餘口騾馬二百匹頭俱分給有功將士及陣亡官兵家

見實錄 補遺

嘉慶三年秋七月有楚匪潛寧州渠魁劉聯登率其黨焚劫陳坊及蒲口武寧西南接壤聞風驚惶知縣王寰諭四民毋息業罷市城以內兩家出一人守城塚五酉上卯下魚貫聯絡城以外十家出五人使擊柝鳴鉦遠近羅守以爲聲勢請邑紳士林二存等籌借軍需監生程式里長曾松岳集鄉勇車凌雲捐飯食防南茶生員邢浣濤集鄉勇防東坑角溪梁溪三絹南冲董家洞又召鄉勇防長坪猴石羅洞車碓下郭頭出蔣家洞請於撫軍張誠基前後命武弁范得龍黃建忠葉春榮調鄱湖饒州吉安萬安贛州撫標左營兵約二百有奇屬都司鮑友仁派防南茶清江九樓白水黃沙斜石牛市嶺松木店石門樓諸隘口方寇熾日探賊陳位才既獲遂無敢越境者撫軍自平寧州返過武王令購備供給持硃票符示不短價撫軍兵王大發等橫索毆家丁王令重懲之而後告軍令始肅民情大安同時湖北蒲圻縣洋泉團賊焚劫紅巖村武寧毗連興國通山及報事定乃撤防

據冊新增

道光二十一年冬湖北崇陽縣鍾人杰等倡亂武寧西界通山最爲扼要邑令王師道練鄉勇葺城垣諭令居民家置器械以助時署臬司葉南昌府倪及大兵輜重取道武寧併協同王令往太陽山設法防堵至次年春羣醜就縛民心始安